



In sabda santa ai 30 de Merz él gnü sughé, dô che al é stè "spielfrei" la prûma partida dl ritorno dl campionat 2012/2013 de 3° categoria por La Val. La partida é gnüda sugada te ciasa cuntra la squadra da Gais.

Dô la burta prestaziun dl andata cuntra Gais á La Val albü la poscibilitè da ti la dè zoruch al Gais.

Ince sce la "rosa" da La Val ne ê nia completa, soradüt tla difesa, é jüs i soagdusc te campo por portè a ciasa i trèi punç. La squadra da Gais â ma püc sogadusc da cunèsce che â ince soghé tl andata. Ai é ruvá a La Val cun en grüm de jogn.

Bel da mëter man dla partida an udü che la squadra â atres motivaziun y urô fá resultat. La partida ê ten gran ecuiliber y é gnüda sugada scialdi a mes le campo cun püces Chancen. Na gran parada fesc le portier da Gais, sön na ribatüda tratan en calcio d' angolo röia Stefan dan sön la pala, la deviazion 2 metri dan porta röia bel avisa dlungia le palo ite. Mo le portier é bun da cöie fora le pal cun en gran riflesso. Sepl le portier da La Val é ince bun da salvè le resultat. Al röia ete en bel cross, le atacant da Gais é bun da le spizuré sura le difensur fora. Sepl cun en gran "colpo di reni" el bun da devié la pala sura porta fora, na gran parada de Sepl.

Mo püch dedô él impó Gais che se porta in vantaje. Sön en angolo resta la pala tla picia i defensursc da La Val ne é nia bugn da trá demez la pala, insciö röia le atacant dl Gais sön le pal y fesc en tiro a man ciampa de Sepl, che ne po fá nia. Mo denant che le prüm temp se röia fischel le arbiter en rigore por La Val. Tratan dütta la partida gnê Stefan tigní sön i angoli dal difensur. Por fortuna al chësc iade odü le arbiter y á messè insciö fischié. Micky se prejenta sön le rigore y spiazëia le portier. Le prüm tēmp se stlüsc jö sön le 1 a 1.

Tl secundo tēmp é La Val che süga plü bun co Gais. Mo indô se porta Gais in vantaje. Na puniziun al limite de gran potēnza rōia sön le palo de Sepl che ne é nia bun da devié assa la pala che rōia dlungia le palo ite.

Mo a mesa le secundo tēmp é spo Micky che fesc le "gioiello". Na bela puniziun al limite el bun da fá ji sura bariera ite y rōia bel avisa dlungia le incrocio. Na gran puniziun de Micky che porta La Val sön le 2 a 2. La partida pe insciö stlūta jö, mo ala fin él cíamò Sepl che salva le resultat. Al é bun da parè en gran tiro sön le palo cürt.

La partida se stlūsc jö insciö sön le 2 a 2. Proscima partida é in dumēnia a Lusen dales 16:00.

□

La formaziun titolara: Kantioler Sepl, Castlunger Marco, Tschaffert Ivan, Alton Alex, Frenes Egon, Miribung Adrian, Sottara Freddy, Sottara Stefan, Verginer Franzi, Frenes Micky y Miribung Alexander.

□

Sostituziuns:

Moling David por Castlunger Marco

Valentin Lukas por Miribung Alexander

Rubatscher Romeo por Moling David

□

**Por udëi i atri resultač (ince di atri campionač ulache sogadusc da La Val süga para)
drüca: [resultač](#)**